



BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ

Broj 1 – mart 2014.
Džumade-I-ula 1435.

BILTEN

Informativno glasilo Islamske zajednice Bošnjaka u Švedskoj
Adresa: Slättervägen 44, 461 61 Trollhättan; Tel. 076 310 24 47 / 0520-499064




Džemat Gislaved

Održana redovna skupština IZBUŠ-a



*Prijava za odlazak na hadždž iz Švedske do
15.05.2014.god.*



Građanska koalicija

1.

MART

moj glas, moja zemlja

SAVJET GLAVNOG IMAMA

Na skupštini održanoj 01.03.2014. za Savjet glavnog imama izabrana su tri nova mlada imama Islamske zajednice Bošnjaka u Švedskoj i time postali najmlađi Savjet glavnog imama u Islamskoj zajednici.



Elvedin-ef. Bešlija, džemat Borås



Nezir-ef. Špiodić, džemat Helsingborg



Almedin-ef. Spahić, džemat Halmstad



Smajo-ef. Šahat, džemat Skövde

BILTEN

Informativno glasilo

ISLAMSKJE ZAJEDNICE BOŠNJAKA

U ŠVEDSKOJ

GLAVNI UREDNIK

Idriz-ef. Karaman

Glavni imam IZBUŠ-a

KOORDINATOR PROJEKTA I

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:

Nezir-ef. Špiodić

Smajo-ef. Šahat

Elvedin-ef. Bešlija

SARADNICI U OVOM BROJU:

Jasmin Dervišević, sekretar IZBUŠ-a

Mirza Babović, Skövde



UVODNIK ZA PRVI BROJ BILTENA IZBUŠ-a

Bliži se punih dvadeset godina otkako je osnovana Islamska zajednica Bošnjaka u Švedskoj. Period je to u kojem se Zajednica potpuno etablirala. Pohvale za naš rad stižu sa svih strana. Godi to, međutim, to nas ne smije zavarati, pa da ne razmišljamo o propustima koje smo pravili u našem radu. U uvodniku ovog našeg Biltena želim se osvrnuti na našu komunikaciju, jer mi se čini da bi ona morala biti mnogo bolja. Naime, imam dojam da smo međusobno nedovoljno informirani. Doduše, za to ima i poneki opravdan razlog, međutim, s obzirom na mogućnosti, koje nudi današnja tehnologija, nema opravdanja da tako malo znamo jedni o drugima. Svojevremeno smo bili počeli sa izdavanjem printanog glasila naše Zajednice, međutim, brzo smo stali. Pokretanjem internet stranice mislili smo da ćemo nadomjestiti nepostojanje printanog glasila. Nažalost, to nam je uspjelo samo djelomično. Zbog toga je novoizabrani Savjet glavnog imama Islamske zajednice Bošnjaka u Švedskoj na svojoj prvoj sjednici donio odluku da pokrene elektronski Bilten. Zamisao je da Bilten, prije svega, ima informativni karakter, ali i edukativni. Interes za Biltenom trebali bi naći svi, kako mi, koji obnašamo neke dužnosti na nivou IZBUŠ, tako i u džematima. U prvo vrijeme nastojat ćemo da, ako Bog da, Bilten izlazi jednom mjesečno. Kasnije, ukoliko bude zainteresiranosti i mogućnosti, možda i češće.

Zbog toga ovom prilikom pozivamo, prije svih imame, ali i sve druge zainteresirane da sarađuju u našem Biltenu. Teme o kojima se može pisati, nisu ničim ograničene. Sve što bi moglo biti interesantno i poučno, dobro je došlo.

Ovu priliku koristimo, također, da pozovemo džemate da nam ustupe mejl adrese svojih članova kako bismo im ponudili slanje Biltena. Naravno, mi se obavezujemo da ćemo adrese koristiti samo u ovu svrhu. Isto tako, adrese će biti zaštićene, odnosno, neće ih drugi čitatelji moći vidjeti, a oni koju ne budu željeli da im se Bilten šalje, moći će to sami odjaviti.

Idriz-ef. Karaman

Džemat Gislaved: Prvi otplaćeni objekat u IZBUŠ-u



Održana redovna Skupština Islamske zajednice Bošnjaka u Švedskoj



U prostorijama džemata Gislaved, 01.marta 2014. g. održana je redovna godišnja Skupština Islamske zajednice Bošnjaka u Švedskoj. Skupštini je prisustvovalo 75 delegata iz 23 džemata. Na Skupštini su bili prisutni i gosti iz NBV-a i Merhameta Švedske.

Na samom početku Skupštini su se kratko obratili domaćini i gosti. Potom je u jednoj veoma finoj radnoj atmosferi Skupština usvojila sve izvještaje, plan rada i budžet za 2014.g.

Na kraju je izabran i novi Izvršni odbor IZBUŠ na mandat od dvije godine.

Izvršni odbor će raditi u sastavu:

1. Mustafa ef. Šetkić, predsjednik
2. Idriz ef. Karaman, glavni imam
3. Haris Delić, predsjednik BEMUF-a
4. Melina Mahmutović, predstavica žena
5. Jasmin Fočo
6. Muriz Kozica
7. Amel Osmanović
8. Montaser Eneim
9. Hazim Avdić

Rezervni članovi IO su:

1. Almir Abdulah
2. Alija Subašić
3. Munib Nuhić

J.D.

Broj potpisanih Pristupnica u džematima IZBUŠ	31/10-2013 21/03-2014	
	31/10-2013	21/03-2014
Malmö	1141	1203
Stockholm	881	916
Borås	642	648
Skövde	441	452
Gislaved	375	384
Helsingborg	319	335
Göteborg	255	301
Norrköping	217	268
Landskrona	216	247
Trollhättan	226	237
Linköping	190	214
Växjö	163	174
Halmstad	144	153
Örebro	106	99
Trelleborg	81	96
Motala	55	71
Jönköping	53	60
Surte	25	25
Västerås	2	5
Värnamo	4	4
Vetlanda	1	3

Prijave za odlazak na hadždž

Obavještavamo zainteresovane kandidate za hadždž da Islamska zajednica Bošnjaka u Švedskoj i ove godine organizira odlazak na hadždž.

Trenutno se pregovara sa ovlaštenim agencijama i čim se postigne dogovor, zainteresirani će, ako Bog da, biti obavješteni. Preliminarni odlazak na hadždž je krajem mjeseca septembra, a dužina boravka oko tri sedmice.

Formular prijave na hadždž i kopiju pasoša treba dostaviti glavnom imamu najkasnije do **15.05.2014.god.** na adresu:

BIF

Box 8120

200 41 Malmö



Napomena: Nakon što Islamska zajednica Bošnjaka u Švedskoj potpiše ugovor sa ovlaštenom agencijom, svi prijavljeni kandidati bit će obaviješteni o cijeni i drugim pojedinostima oko odlaska na hadždž.

Očekujemo da neće biti nekih većih promjena u odnosu na prošlu godinu. Napominjemo, također, da je broj mjesta i ove godine ograničen i da prednost imaju oni kandidati koji se prvi prijave. Osim toga, odlukom Ministarstva za hadždž Saudijske Arabije, na hadždž ne mogu putovati hadžije koji su hadždž obavili u posljednjih 5 godina.

Kontakt telefon za dodatne informacije: **070 730 02 46**

Održana sjednica Izvršnog odbora Islamske zajednice Bošnjaka u Švedskoj



U subotu, 29. marta 2014. godine, u Jönköpingu je održana prva sjednica novoizabranog Izvršnog odbora Islamske zajednice Bošnjaka u Švedskoj.

Na početku sjednice usvojeno je nekoliko izmjena u Poslovniku o radu Izvršnog odbora. Novost je da se ubuduće zapisnik sa sjednica Izvršnog odbora neće u cijelosti slati džematima, nego samo članovima Izvršnog odbora IZBUŠ, a za džemate će Radna grupa Izvršnog odbora pripremiti saopćenje, koje će bit objavljeno i na portalima Rijasetu i IZBUŠ.

Izvršni odbor je izrazio zadovoljstvo nedavno održanom Skupštinom Islamske zajednice Bošnjaka u Švedskoj, naglasivši da je najvažnije da se u daljnjem radu nastavi sa djelovanjem u skladu sa normativnim aktima. U tom smislu, čim se usvoje amandmani na Ustav Islamske zajednice u Bosni i Hercegovini, treba pristupiti usklađivanju svih normativnih akata IZBUŠ.

U nastavku sjednice podneseni su izvještaji o aktivnostima u proteklom periodu, te dogovoren način realiziranja predstojećih zadataka.

Izvršni odbor je odredio delegate za predstojeći Kongres Švedskog muslimanskog saveza, koji će se održati 4. maja u Štokholmu, te odlučio da za predsjednika ove asocijacije kandidira Elvira Gigovića.

Određeni su i delegati za Skupštinu Trezvenjačkog saveza (NBV), koja će se održati 24. maja, također, u Štokholmu.

Izvršni odbor je donio odluku da se seminar za džemate održi 29. maja. Glavna tema seminara bit će aktuelno stanje u IZBUŠ, a pozvat će se predsjednici džemata, imami, predstavnici omladine i žena, kao i osobe iz džemata koje su zadužene za vođenje džematskih registara članstva.

IZBUŠ će aktivno raditi na realizaciji aktivnosti "Koalicije 1. mart". Za koordinatora ovog značajnog projekta određen je glavni imam Idriz-ef. Karaman.

Izvršni odbor je donio još nekoliko odluka:

- da se formira zajednička radna grupa IZBUŠ i BEMUF, koja će raditi na sinhronizaciji baze podataka ove dvije organizacije
- da se Almir Abdulah priključi grupi za uređivanje portala IZBUŠ, te da se aktivira Facebook stranica IZBUŠ
- da se pri IZBUŠ formira Vakufski odbor
- da se džemati pozovu da finansijski pomognu Džemat Motala
- da se kupi 20 komada knjige "I Bosnien finns inga raka vägar" (U Bosni nema pravih puteva), te da se preporuči i džematima da nabave ovu vrijednu knjigu
- da se preporuči džematima da organiziraju odlazak svojih članova na manifestaciju "Dani muslimanske porodice" (Muslimska familjedagar), koja se održava od 18. do 20. aprila u Štokholmu

J.D.

Džemat Halmstad: Mektebski izlet



Dana 08.03.2014.god. u džematu Halmstad organizovano je mektebsko druženje i izlet iz želje za motivacijom polaznika za daljim kontinuiranim radom i napretkom u vjerskom obrazovanju.

Izlet je organizovan u dvije grupe, prva grupa manje djece posjetili su Busfabriken. Druga grupa, stariji polaznici posjetili su Laserdome. Druženje i izlet je bio koristan i za susret roditelja, gdje su imali priliku da se druže i

razmjenjuju iskustva, uz ugodan razgovor i druženje.

Poslije druženja u Laserdome, veća grupa je nastavila druženje u prostorijama džemata gdje su se počastili kolačima koje je spremao polaznik mekteba, a poslije i učestvovali u kvizu kojeg su pripremile naše sestre iz Aktiva žena.

A.S.

Džemat Helsingborg: Sportske aktivnosti



Nedjeljno poslijepodne, tačnije termin od 17 do 19 sati, predviđen je za sportske aktivnosti i druženja ljubitelja fudbala u džematu Helsingborg. Različiti su uzrasti onih koji se i na ovakav način druže i okupljaju u školskoj sali na Dalhemu. Ovaj termin bi ponekad bio iskorišten i za djecu koja pohađaju vjersku pouku, a koja bi se i na ovakav način družila, igrala i jačala svoje prijateljske odnose.

Od davnina, ljudi nastoje preko fizičkih vježbi, treninga i raznih sportova, održati svoje tijelo jakim i ostati u kondiciji. Pored želje za druženjem i razgovorom o protekloj sedmici, ostati u kondiciji i održavati svoje tijelo jakim i zdravim, također je cilj ove aktivnosti. Poznato nam je da se islam, kao sveobuhvatna i uravnotežena vjera, ne protivi bavljenju sportom, čak šta više, Poslanik, a.s., nas je na to pozivao, jer je i on sam bio jakog tijela, a jedne prilike je kazao: „Jak vjernik je bolji i draži Allahu, dž.š., od slabog vjernika“, a vjernikova snaga se ogleda u njegovoj duhovnoj, intelektualnoj, ekonomskoj, ali i tjelesnoj sposobnosti. Termin se održava redovno, svake nedjelje, a pored džematlija iz Helsingborga, na termin se, nerijetko, odazivaju i džematlije iz Åstorp i Ängelholma. Cilj termina je i veća mogućnost za organiziranje i okupljanje naše omladine, smatrajući da kroz sportske aktivnosti lakše možemo doprijeti do njih, privući ih lijepom društvu i na takav način pozitivno djelovati na njih.

N.Š.

Džemat Skövde: Renovirane džematske prostorije



Odbor Islamske zajednice Skövde, na svom sastanku 28. februara 2014. godine, donio je odluku da se prostorije džemata Skövde renoviraju, malo osvježe. To je, uz angažman Odbora i jednog broja džematlija, uspješno odrađeno. Sada je prostor džemata Skövde u novom ruhu, te je i prva džuma-namaz obavljena u renoviranom prostoru. U zadnjih par godina smo angažirani na pronalasku boljeg i adekvatnijeg prostora, pod kiriju ili da kupimo, no do sada bez prilike da to i ostvarimo. Nadamo se da će u narednom periodu biti više sreće, ako Bog da!

Mirza Babović

 **BKC**
BOSANSKI KULTURNI CENTAR VÄSTRA GÖTALANI

APRILSKI SUSRETI

Okoristite se druženjem s našim gostom i ostalom braćom i sestrama!



Gost
teolog – psiholog
Edin Tule

17. i 18. april džemati Göteborg i Surte
19. april džemati Borås i Trollhättan
20. april džemat Skövde

21 april
U Boråsu susret svih džemata

Bošnjačka islamska zajednica u Helsingborgu
ORGANIZUJE
VEČER KUR'ANA



Učestvuju:

Idriz ef. Karaman <small>glavni imam Islamske zajednice Bošnjaka u Švedskoj</small>	Nesib ef. Makić <small>Landskrona</small>
Hfz. Jusuf ef. Horozović <small>Norrköping</small>	Almedin ef. Spahić <small>Halmstad</small>
Elvedin ef. Bešlija <small>Borås</small>	Benjamin ef. Dučić <small>Växjö</small>

Posebani gost: **Hfz. Alija ef. Rahman**
Sarajevo

Subota, 12. april, u 18 sati
Adresa: Magistergatan 2 (Komvux skolan)

Bosanska kuća - Örebro, Švedska

WWW.ISLAMBIH.COM
+46 19 18 48 26



NASTAVIMO ZAJEDNO IZGRADNJU